



Ul.Sulejmana Topića br.1 V. Kladuša tel.037 770-010; fax:037 770-021; e-mail: dom.zdr@gmail.com;www.domzdravljavkl.com;

Na osnovu člana 20.a Zakona o radu Federacije Bosne i Hercegovine („Službene novine Federacije BiH“ broj 26/16, 89/18 i 44/22), člana 4. i 7. Uredbe o postupku prijema u radni odnos („Službeni glasnik Unsko-sanskog kantona“ broj 7/19 i 11/19), člana 10. Pravilnika o radu ZU Dom zdravlja Velika Kladuša broj 554-1/22 od 11.03.2022. godine, člana 9. Pravilnika o organizaciji i sistematizaciji radnih mjesta ZU Dom zdravlja Velika Kladuša broj 1011-1/17 od 10.07.2017.godine, 877/18 od 26.04.2018.godine, 1103-1/19 od 30.05.2019.godine, 2251/21 od 23.09.2021.godine i 1511/22 od 07.07.2022.godine, Odluke direktora o potrebi prijema u radni odnos broj: 2545/22 od 21.11.2022.godine i člana 54. Statuta ZU Dom zdravlja Velika Kladuša broj 95-1/14, a nakon dobivene saglasnosti Ministra zdravstva Unsko-sanskog kantona broj 09-30-8237-2/22 od 25.08.2022.godine, direktor ZU Dom zdravlja Velika Kladuša, raspisuje

JAVNI OGLAS za prijem u radni odnos na neodređeno vrijeme

I. ZU Dom zdravlja Velika Kladuša, ul. Sulejmana Topića br. 1 Velika Kladuša oglašava potrebu za zapošljavanjem radnika na neodređeno vrijeme za slijedeće upražnjeno radno mjesto:

1. Diplomirani inženjer medicinsko-laboratorijske dijagnostike u Službi laboratorije na neodređeno vrijeme 1 izvršilac

II. Opći uslovi koje kandidati moraju ispunjavati:

- da su državljani Bosne i Hercegovine
- da su stariji od 18 godina
- da su fizički i psihički sposobni za vršenje poslova navedenog radnog mjesta – izabrani kandidati su dužni prije zasnivanja radnog odnosa dostaviti ljekarsko uvjerenje o zdravstvenoj sposobnosti, koje nije starije od jednog mjeseca

III. Posebni uslovi:

1. Diplomirani inženjer medicinsko-laboratorijske dijagnostike u Službi laboratorije (**1 izvršilac**)
- Fakultet zdravstvenih studija – smjer laboratorijsko inženjerstvo (VSS - 240 ECTS bodova)
 - položen stručni ispit
 - licenca za samostalan rad
 - radno iskustvo u trajanju od 6 mjeseci

KRATAK OPIS POSLOVA:

Samostalno vrši laboratorijsko ispitivanje (testovi opterećenja, testovi koagulacije, imunološki testovi, bakar, fosfor, minerali), samostalno obavlja složene hematološke analize kako manuelno tako i na elektronskim aparatima – brojaču krvnih elemenata, vrši mikroskopiranje obojenih razmaza i diferencirano određivanje leukocita, samostalno pravi reagense za analize, učestvuje u evidenciji i sortiranju materijala, zadužen je za aparaturu s kojom radi, brine i zadužen je o inventaru zajedno sa ostalim radnicima, odgovoran je za čistoću radnih površina, obavlja i ostale poslove u skladu sa Pravilnikom o organizaciji i sistematizaciji radnih mjesta.

Mjesto obavljanja rada: ZU Dom zdravlja Velika Kladuša-Služba laboratorije, radno vrijeme od 07:00 h do 15:00 h.

IV. Kao dokaz o ispunjavanju uslova kandidati su dužni dostaviti slijedeću dokumentaciju:

Za poziciju pod rednim brojem 1 – Diplomirani inženjer medicinsko – laboratorijske dijagnostike

1. Potpisanu prijavu sa kratkom biografijom, adresom i kontakt telefonom
2. Izvod iz matične knjige rođenih (original ili ovjerena kopija)
3. Uvjerenje o državljanstvu (original ili ovjerena kopija)
4. Prijavu mjesta prebivališta (original ili ovjerena kopija)
5. Diplomu o završenom Fakultetu zdravstvenih studija smjer laboratorijsko inženjerstvo sa 240 ECTS bodova (ovjerena kopija)
6. Uvjerenje o položenom stručnom ispitu (ovjerena kopija)
7. Uvjerenje ili potvrda o radnom iskustvu (original ili ovjerena kopija)
8. Važeća licenca/odobrenje za samostalan rad izdata od nadležne komore (ovjerena kopija)

V. Važna napomena o dostavljanju dokumentacije kojom se dokazuje radno iskustvo kandidata koji se prijavljuju na Javni oglas za poziciju 1 – Diplomirani inženjer laboratorijske dijagnostike

Uvjerenje ili potvrda o radnom iskustvu:

Kao dokaz kojim se dokazuje radno iskustvo u struci/zvanju može se dostaviti isključivo slijedeće:

Potvrda ili uvjerenje poslodavca kog kojeg je kandidat radio ili radi, ili je obavljao pripravnički staž, a koja mora biti precizna i detaljna i sadržavati sve bitne elemente koji nedvosmisleno dokazuju da kandidat posjeduje traženo radno iskustvo za poziciju na koju se prijavljuje. Potvrda ili uvjerenje mora sadržavati podatke o tome na kojim poslovima je kandidat radio ili radi. Period obavljanja poslova također mora biti jasno preciziran (od kada do kada su poslovi obavljani). Potvrda poslodavca mora biti ovjerena pečatom i potpisana od strane ovlaštenog lica poslodavca.

Kopija radne knjižice, ugovor o pripravničkom ili volonterskom stažu i ugovor o radu, i ostali dokumenti iz kojih se ne mogu utvrditi poslovi i tačan period obavljanja tih poslova i traženog perioda radnog iskustva, ne mogu poslužiti kao relevantan dokaz o radnom iskustvu.

VI. Ostale informacije za kandidate

Javni oglas ostaje otvoren 8 dana od dana objave Obavijesti o raspisanom Javnom oglasu u dnevnim novinama „Oslobođenje“ u skladu sa članom 7. Uredbe o postupku prijema u radni odnos. Dostavljeni dokumenti moraju biti u originalu ili ovjerenj kopiji, **ne starije od 6 mjeseci**. Neblagovremene, nepotpune i nepotpisane prijave neće se uzeti u razmatranje.

Probni rad nije predviđen.

O datumu i vremenu održavanja pismenog ispita za poziciju 1., kandidati će biti obaviješteni telefonskim putem, a obavijest o datumu i vremenu održavanja pismenog ispita, objavit će se i na web stranici ZU Dom zdravlja Velika Kladuša. Ukoliko kandidati pristupe usmenom ispitu, o istom će biti obaviješteni usmenim putem odmah nakon polaganja i saopštavanja rezultata pismenog ispita (usmeni dio ispita provodi se samo u slučaju kada su dva ili više najuspješnijih kandidata ostvarili jednak broj bodova na pismenom dijelu ispita).

Ukoliko kandidati ne pristupe pismenom ili usmenom ispitu, smatrat će se da su odustali od prijave na Javni oglas. U slučaju da nakon provođenja ispitnog dijela Javnog oglasa neki od kandidata budu imali jednak broj bodova, prednost pri zapošljavanju će imati kandidat koji ima prioritet u zapošljavanju. Prioritet u zapošljavanju kandidati dokazuju odgovarajućim dokumentom (potvrda, uvjerenje i sl.) koje prilažu prilikom prijave na Javni oglas.

Prijave na Javni oglas sa potrebnom dokumentacijom u zatvorenoj koverti se mogu dostaviti lično na protokol ZU Dom zdravlja Velika Kladuša – zgrada uprave II sprat ili putem pošte na adresu:

ZU DOM ZDRAVLJA VELIKA KLADUŠA, ul. Sulejmana Topića br.1., 77230 Velika Kladuša, Komisiji za provođenje procedure prijema u radni odnos, sa naznakom: „ NE OTVARAJ – PRIJAVA NA JAVNI OGLAS“.

Svi traženi dokumenti kojim se dokazuje ispunjavanje općih i posebnih uslova Javnog oglasa neće se vraćati kandidatima, osim u slučaju ako zainteresirani kandidati podnesu pismeni zahtjev.

Kontakt osoba: Damir Redžić, dipl. pravnik, kontakt telefon: 037/316/199

Izbor iz reda prijavljenih kandidata koji ispunjavaju uslove oglasa izvršit će se u skladu sa Zakonom o radu Federacije BiH („Službene novine Federacije BiH“ broj: 26/16, 89/18 i 44/22), Uredbom o postupku prijema u radni odnos („Službeni glasnik Unsko-sanskog kantona“ broj: 7/19 i 11/19) i Pravilnikom o radu ZU Dom zdravlja Velika Kladuša broj 554-1/22 od 11.03. 2022. godine.

Obavijest o raspisanom Javnom oglasu će se objaviti u dnevnim novinama „Oslobođenje“ dana 24.11.2022.godine, a puni tekst Javnog oglasa će istog dana biti objavljen na internet stranici ZU Dom zdravlja Velika Kladuša www.domzdravljavk.ba i internet stranici Javne ustanove „Služba za zapošljavanje Unsko-sanskog kantona“ Bihać.

Broj: 2558 /22

Dana: 22.11.2022.godine.



Prim. dr Evresa Okanović, spec. neuropsihijatar

ID broj:4263273340004, PDV broj: 263273340004; Žiro računi:1980011080000123 KIB banka, 1610350014070086 Raiffeisen banka, 3385102200435214 Unicreditbanka